

玉皇真經

玉皇經序

降於汕江慕道仙館

人心不古。惡類多多。世風日偷。奸邪比比。諸

真不能救止。列聖不能挽回。吾

玉皇大天尊。慈祥在抱。惻怛為心。降

下經文。頒行塵世。無非欲寰宇返

夫上古純樸之風。勿蹈末世澆漓

之俗耳。無如積弊難轉。沉疴莫療。

見者聞者。孰是受持誦習。得者獲

者。孰是實力奉行。吁。誦習奉行。且

難其侶。安得一敬信之士。纂修重

刻。而傳之不朽哉。今廣省彭子癸

峰。敬奉是經。持之有日。又復付梓

流傳。揣其意。蓋欲普天之下。共同

實力奉行。咸遠千災。而迎百福也。

立心固苦。用意亦週。吾

玉皇上帝。在靈霄寶殿中。安得不點

頭道善。而賜福祿於無疆哉。經刻

成矣。諸子代乞序於予。予因并言

數語於其首。

光緒丙申

三月之望

蓬萊李鐵拐恭撰

玉皇真經誦本

啓讚

玉皇上帝。神聖朝禮。諸神仙官。列兩邊。

啓。奏赦罪愆。宣誦經咒。衆生受天緣。

太上香雲蓋。天尊感應無量觀。

三稱九叩

無上依入深微七妙法旨
正心依入消劫七救群生
民今依入持誦七奉遵行
普願依入同證七文昌會

太上開寶經天尊感應無量觀三稱九叩

舉香咒

先行三跪九叩首禮後握掌立宣以下六咒每咒一揖第二遍不免宣六咒

爐內焚寶香香煙達上蒼上蒼神

聖降降宅宮賜禎祥

淨口咒

人言從口出出納必提防提防無
妄吐吐穢誦經章

淨心咒

人心萬物靈靈為萬物遷遷善改
諸惡惡念化為煙

淨身咒

人身在紅塵紅塵濁氣薰氣薰須
沐浴沐浴對高真

請土地咒

功曹土地神神祇最有靈靈威來

擁護擁護誦皇經

安群真咒

群真皆下降下降現金身金身來
保衛保衛誦皇經

皈依讚

稽首七皈依道道在玉京山

玉京山說法說法利人天皈依

元始大天尊

稽首七皈依經經寶演靈文

靈文書鳳篆鳳篆廣宣揚皈依

靈寶天尊。

稽首皈依。師心似水清。

水清秋月現。月現廣無邊。皈依

太上命禮三清道祖。大天尊。三稱九叩

啓詞

握掌跪宣每拾頭雙圈一叩首

伏以恭焚真香。香煙渺渺通

帝闕。虔誠上叩。叩請巍巍衆

聖真。

今有大中華民國台灣省

市區路巷號

蟻民

等為

事

敬叩

虔心諷誦

皇經。香花請。香花迎。香花請。

聖駕來臨。

志心皈命禮

以下各聖號均加此句握掌跪宣

大羅天帝。太極聖皇。化育群生。統御

萬物。渺渺黃金闕。巍巍白玉京。若

實若虛。不言而默。宣大化。是空是

色。無為而沒。使群靈。時乘六龍。遊

汗不息。氣分四象。幹旋無邊。乾健

高明。萬類善惡悉見。玄範廣大。一

算禍福立分。上掌三十六天。三千

世界。下握七十二地。四大部洲。先

天後天。並育大慈父。古仰今仰。普

濟總法宗。乃日月星辰之君。為聖

神仙佛之主。湛寂真道。怵漠尊嚴。

變化無窮。屢傳寶經。以覺世靈威。

莫測。常施神教。以利生。洪威洪慈。

無極無上。

大聖大願。大慈大悲。

無上教主。清微玉清境。元始大天尊。

無上教主禹餘上清境靈寶天尊
無上教主大赤太清境道德天尊
無上昊天玄穹高上帝玉皇天尊
無上至真東華扶桑木公天尊
無上至妙西華瑤池金母天尊

無上聖德摩利支天圓明斗姆天尊
無極元皇中天星主北極紫微天尊
高上神霄統天元聖南極長生天尊
太乙東皇萬彙帝主東極青華天尊
勾陳上宮萬雷帝主太極天皇天尊

九華玉闕承天效法后土元君天尊
無央界玉皇仁正四太子殿下天尊
無央界玉皇妙慈三公主娘娘天尊
恩覃三界三元三品三官大帝天尊
泰玄上相降魔護道張府天師天尊

大慈大悲救苦救難慈航普渡天尊
乾元洞天尊尋聲赴感太乙救苦天尊
九天應元風雲雷雨雷聲普化天尊
玉虛師相玄天上帝真武蕩魔天尊
文昌司祿輔仁開化梓潼解罪天尊

金闕選仙孚佑演正興行妙道天尊
蓋天古佛無量度人昭明翊漢天尊
太上南斗六司延壽星君天尊
太上北斗七垣解厄星君天尊
北極四聖天蓬天猷翊聖祐聖天尊

先天主將一炁神君豁落靈官天尊
無極聖衆天尊無量觀、、
仗此信香三炷普同供養群真
香花請香花迎香花請聖駕來臨

開經偈

以下俱握掌跪宣每遇聖號雙圈一叩首
每行鈎處宜略停聲再接誦下文方清楚

皇天上帝開方便。便益多端久自見。
見此皇經誦一遍。遍體愆尤皆
斷念。念念不絕。隨所祈。所祈種種
皆如願。願以此經虔持誦。誦讀奉
行休厭倦。

解罪消愆一品

道言

玉帝天尊。天尊放大光明。光明照諸
世界。世界濁氣層層。層層惡孽深
重。深重如山難云。難云此諸惡世。
惡世遭及苦辛。苦辛或染疾病。疾
病纏害其身。其身或遇邪崇。邪崇
擾害不寧。不寧不靜。諸苦。諸苦不
一紛紛。紛紛群黎大衆。大衆細聽
皇經。皇經傳述下界。下界解罪祛瘟。
祛瘟錫福遣鬼。遣鬼消愆頻頻。
頻惡業當改。改惡從善奉行。人生
在世罪多端。

玉皇誥誡爾一番。或是前生罪孽重。
故爾今生疾病纏。或是少丰行惡
事。致使中丰禍萬般。從今以後先
懺悔。懺悔前愆。天地歡。凡人生。孝
為先。孝能愈病格蒼天。懺悔生平
不孝念。念念常存孝順焉。能盡孝。
事周全。自然清吉福綿綿。綿綿禍
崇。從今解。解罪消愆。第一篇。第二
件。弟兄和。弟兄不和。罪孽多。懺悔
弟兄不和事。事事咸亨得自如。如
此懺悔。第三件。件件災厄皆不見。
第四還須莫犯淫。淫惡滔天怒鬼

神。淫孽更比殺孽重。重重鬼崇必纏身。或絕嗣。或除齡。死在陰司。受極刑。受極刑。變飛禽。萬劫不得轉人形。從今懺悔淫字念。懺悔以後除惡名。男子清心還寡慾。女子孝

順守節貞。

玉帝自然欽保佑仰爾。萬般禍祟不來臨。莫貪酒。莫貪財。忍氣時常記在懷。倘有貪嗔癡愛慾。一切懺悔莫徘徊。知禮義。重廉恥。各安生理守規

矩。毋作奸巧喪良心。奸巧害人終害己。倘有欺天蔑理念。念念懺悔。天佑爾。敬天地。禮神明。切莫

怨天與尤人。呵風罵雨是大罪。貪妒嫉狠罪非輕。時時省察存懺悔。

百病消除福壽增。行方便。積陰功。時存善念。格天公。倘有損人利己念。從今懺悔樂無窮。萬般罪過難數清。總要時常口問心。倘若於心有愧者。斯時即刻存懺悔。悔罪

自然萬罪消。此是消愆真妙語。語爾世人虔心誦。誦讀志心皈命禮。

玄穹高上帝。玉皇滅罪消愆大天尊。三稱九叩

太乙真人讚曰。

皇天上帝著此皇經。消愆解罪。錫

福頻頻。人能遵守。鬼敬神欽。誦之一遍。安樂咸亨。汝等大衆。心慕身行。久久不怠。名列仙真。此讚上一品經

延壽錫福二品

坐靈霄。慧眼觀看大衆們。大衆們

福薄命短。為何因。為何因。

玉帝。分割與爾聽。與爾聽。虔心持誦

此皇經。此皇經。延壽錫福度衆
生。度衆生。專心持誦。列仙真。列仙
真。逍遙快樂。享長春。享長春。奉行

遵守莫疑心。人生在世間。行善最
為先。壽夭窮通皆有定。專心行善
可回天。天最喜。行善人。行善之方
在於誠。誠心孝親如大舜。上天。

自與爾延齡。誠心誠意敬蒼天。
蒼天佑爾享康平。誠心和睦兄和
弟。和氣盈庭。壽算延。誠能清心兼
寡慾。

玉皇。與爾添壽元。誠能敬惜聖賢字。
惜字千萬壽。自綿。誠能忍口全物

命。黃耆台背子孫賢。賢人語。語萬
千。千言誥誡。已在先。先聖生期
兼朔望。晦臘。夫妻莫共眠。有八節。
與風雷。敬謹獨宿。莫胡為。養性守
身。莫妄作。延壽之方在此全。福可

折。亦可錫。錫福之方宜勉力。宜勉
力。積陰功。陰功高大。福無窮。無窮
福。祿緣何得。諦釋皇經。爾自默。
福不在財多。財多不是福。福在子
孫賢。子孫賢是福。行方便。上蒼。

賜爾福無限。積陰功。上天。賜爾
福無窮。改刻薄。福祿滔滔。無限樂。
教子孫。子孫賢。良萬倍金。要忍氣。
忍得氣來萬倍利。惜五穀。上蒼。
自然添衣祿。知勤儉。勤儉之人。

天。顧眷。祈福之方在此全。折福之條宜謹戒。凡處世好奢華。暗地折福罪無涯。大小斗盤算人。子孫敗產亂胡行。有五穀不愛惜。定然少衣又缺食。凡百事佔便宜。終究吃虧禍懸眉。折福之端宜懺悔。惜福之方勉力為。為人在世能依此。此是延年錫福經。經功湛寂宜遵守。遵守百善百福臨。遵守千善千祥集。遵行萬善列仙真。虔心持誦此經者。稽首志心皈命禮。

玄穹高上帝。玉皇延壽錫福大天尊。

三稱九叩

慈航真人讚曰。

玄穹上帝發慈悲。延壽錫福意深微。倘若世人能佩服。災消病滅在於

茲。誦之一遍千祥集。堅持百遍壽齊眉。逍遙快樂昇天界。虔誠持誦謹皈依。

此讚上二品經

降神逐鬼三品

玉皇大天尊。略節此皇經。焚香高誦念。群真即降臨。志心皈命禮。九叩衆群真。

清微天宮孔聖人。誦經有請降來臨。一切不仁並不信。無禮無義諸罪名。但能誦經存懺悔。大賜靈威赦罪刑。

西方佛祖僧聖人。慈悲普救十方人。一切貪嗔癡愛慾。不敬三寶諸罪刑。但能懺悔誦此經。大發慈悲擁護真。

清微元始大天尊。仙法無窮度衆生。
衆生懺悔持經者。大賜靈威度上
昇。

三清應化李老君。道法彌深護蒼生。
蒼生懺悔誦經者。大賜靈威漸其
身。

陰曹東嶽大天尊。掌管陰司五獄刑。
如有懺悔持經者。滅罪消愆漸其
魂。

清微廣法大天尊。法力無邊佑黎民。
黎民懺悔誦皇經。天宮仙籍註仙
名。

文昌顯化大天尊。保護群黎誦皇經。
昭明翊漢關帝君。擁護群黎誦皇經。
爾諸末世凡人。及未來一切衆生。

但能存心懺悔。焚香持誦此經。
帝遣飛天大神。清微四大天君。
護法韋馱尊者。並及億萬仙真。
天兵天將護宅宮六丁六甲護身。
但須身行心慕。無徒口誦云云。更

有善男信女。或遭疾病纏身。但能
持誦解說。自有救難。觀音。並及
明醫。聖主。太乙救苦真人。保
護身無疾病。消災脫難。清平。或遭
鬼祟纏害。或遭猛獸時瘟。但能懺

悔持誦。

帝遣護法真君。萬法真君。大法
真君。多法真君。廣法真君。
漸法真君。輔法真君。佐法真
君。並及。玄天上帝。蕩魔天尊。

四大元帥。十大天君。祛除邪祟。滅跡亡形。禍患消滅。道氣常存。又或有人。或遇軍陣。或遇冤家。但能懺悔。存念此經。自有三官大帝。解厄天尊。神仙兵馬。金精猛獸。無鞅數衆。黃巾力士。擁護其身。又有末世凡人。遭值劫運。盜賊水火。但能懺悔。持誦此經。自有四大天王。八大金剛。常來擁護。火祖維持。龍神保佑。尊經功德。不可盡數。群真不可俱述。爾等大衆人民。專心持誦。遵行。遵行。久久不怠。自然仙籍註名。切莫疑信相半。口誦心違。不遵。如有妄行。詆毀。定然斬首分形。罰變昆蟲草木。

子孫汨沒除根。

玉帝傳此經。勞力又勞心。爾等群黎輩。虔心對聖真。志心皈命禮。

玄穹高上帝。玉皇降神驅鬼大天尊。

三稱九叩

玄天上帝讚曰。

皇經功德無窮。群真普降蒼穹。一切妖魔拱手。諸般鬼祟潛蹤。萬道祥光普照。千層惡孽皆空。在在精神舒泰。時時度量從容。名列仙班。仙籍魂歸天府。天宮七祖咸登極樂。九玄盡出冥中。務要專心持誦。毋為毀謗疏慵。大衆頒行勿忽。自然得享丰豐。

此讚上三品未送神
每遍宣至此九叩首

十報恩

一。報。天。地。蓋。載。恩。二。報。日。月。照。臨。恩。

天官降賜福。地官赦罪愆。
水官解災厄。合境保平安。
三報皇王水土恩。四報爹娘養育恩。

天官降賜福。地官赦罪愆。
水官解災厄。合境保平安。

五報祖師傳法恩。六報引進勸化恩。

天官降賜福。地官赦罪愆。
水官解災厄。合境保平安。

七報護法扶持恩。八報八方善友恩。

天官降賜福。地官赦罪愆。

九報九宗七祖恩。十報三教聖賢恩。

天官降賜福。地官赦罪愆。
水官解災厄。合境保平安。

願晝吉祥調

願晝吉祥夜吉祥。晝夜六時恆吉祥。

一切時中吉祥者。願求天官降賜福。

願晝吉祥夜吉祥。晝夜六時恆吉祥。

一切時中吉祥者。願求水官解災厄。

收經偈

如未完經送神。勿宣此偈。待送神時。連此偈。握掌跪宣送神。

玉皇宥罪大天尊。慈優一切諸衆生。

願以此經功德義。殷勤解說度迷津。誦經已畢。稽首禮謝。

無極聖衆天尊。三稱九叩。接誦香花請香

花送。香花送。

聖上天宮。

收經讚

太上開天。執符御歷。含真體道。

金闕雲宮。九穹歷御。萬道無爲。
通明大殿。昊天金闕。
玉皇大天尊玄穹高上帝。稽首。
玉皇大天尊玄穹高上帝。三拜。
玉皇大天尊玄穹高上帝。玉皇赦罪天尊。

無上玉皇心印妙經

上藥三品 神與氣精 晃晃惚惚
杳杳冥冥 存無守有 頃刻而成
迴風混合 百日功靈 默朝上帝
一紀飛昇 知者易悟 昧者難行
屢踐天光 呼吸育青 出玄入牝
若亡若存 綿綿不絕 固蒂深根
人各有精 精合其神 神合其氣
氣合體真 不得其真 皆是強名
神能入石 神能飛形 入水不溺
入火不焚 神依形生 精依氣盈
不雕不殘 松柏青青 三品一理
妙不可聽 其聚則有 其散則零
七竅相通 竅竅光明 聖日聖月
照耀金庭 一得永得 自然身輕
太和充溢 骨散寒瓊 得丹則靈
不得則傾 丹在身中 非白非青
持誦萬遍 妙理自明 虔誠修持
即刻飛昇

無上玉皇心印妙經 竟